

ACCESS TO LAND FOR HUNTING USING YOUR PLATBOOK (Xav paub txog tej thaj av tua tau tsiaj saib hauv koj phau ntawv Platbook)

Introduction (kev qhia)

Muaj ntau tus tibneeg tsis paub nrhiav chaw yos hav zoov tua tsiaj li.

Phau ntawv Platbook, yog ib lub niam tswv yim pab koj nrhiav chaw yos hav zoov tua tsiaj. Phau ntawv Platbook yuav tsis yog phau ntawv qhia hais tias thaj av twg yog thaj tua tau tsiaj..

Phau ntawv Platbook no muaj kev qhia txog tej ciam dej ciam av, nyob tom tej zos me nrog rau tej tswv av tej npe thiab lawv cov av. Tej zaum tej thaj av kuj hloov dua tswv tshiab ua ntej lawv luam cov phau ntawv no tawm lawm los kuj tsis paub.

Siv phau ntawv platbook no nrhiav cov tswv ntawm tej thaj av. Koj yuav tau nug cov tswv av kom tau kev tso cai koj mam mus yos tua tsiaj hauv lawv cov av.

Trespassing (kev yuam cai nkag lwm tus av)

Lub lav Wisconsin txoj kevcai uas txwv tsis pub neeg mus tsuj cov av muaj tsw no nruj dua lawm. “ Txoj kevcai tshiab hais tias, neeg yuav tsum tau kev tso cai ua ntej nkag tau rau ib thaj av uas muaj tsw lawm, tej av muaj laj kab xov, los yog ib thaj av uas tseem yog hav zoov uas tsis muaj paib txos rau li. Neeg yuav tsum tau kev tso cai ua ntej mus rau ib thaj av uas muaj tswv. Tej av xws li hav zoov, hav nyom, hav dej, los yog liaj teb” DNR Koom haum saib xyuas hav zoov ntawv xov xwm tawm Lub 9 Hli, 25, Xyoo 1996. Ib qhov uas txojcai tsis tshua nruj txog tau kev tso cai ces yog tej thaj av uas tseem yog hav zoov nyob npuab cov av luam thiab ho tsis muaj paib txos rau xwb.

Kev nplua cov neeg uas yuam cai nkag av tswv qhov siab tshaj yog \$1,000

Private Land (Av muaj tswv)

Phau ntawv, Platbook, yuav pab koj nrhiav cov tswv ntawm tej thaj av es koj thiaj paub mus thov kev tso cai tua tsiaj hauv lawv tej av. Qhov zoo tshaj yuav tsum yog lawv sau ntawv tso cai rau koj. Nco qab ntsoov tias txoj kev tso cai rau koj tua tsiaj ntawm ib tug neeg twg thaj av, tsis tau txhais hais tias yuav pub koj coj neeg coob nrog koj mus tua los sis koj yuav tau tua ntau xyoo ntxiv nws tsuas yog koj xwb thiab tsuas tua tau zaum ntawd xwb.

Managed Forest Law and Forest Crop Law Lands (Kevcai tswj hav zoov thiab av muaj tswv nrog rau av ua qoob loo). Tej zaum koj phau ntawv yuav qhia txog cov hav zoov muaj tswv los yog tej av ua qoob loo uas nyob rau txoj cai tswj no. Cov av no tej zaum kuj yuav pub neeg tua tsiaj tau los sis yuav tsis pub. (Cov tswv muaj cai kaw tej ceg av tsis pub neeg tua tsiaj). Cov neeg tua tsiaj tsis tas yuav tau kevcai rau tej thaj av uas lawv

twb kam rau sawvdaws tua tsiaj lawm tiamsis nco ntsoov tias yus yuav tau ua zoo thiab saib taus luag tej av txhob ua tej yam tsis zoo rau hauv luag tej av. Nco ntsoov tias muaj tej thaj av uas tau tshem tawm tsis nyob hauv kevcai tswjfwam hav zoov thiab av tswv qhov qhoo kas txij thaum phau ntawv Platbook tau luam tawm lawm. Nco ntsoov tias txawm yog luag kam tua tsiaj hauv cov av no los luag txwv tsis pub tsav tsheb mus rau hauv. Lub koom haum tswj hav zoov (DNR) nyob ze koj yuav pab tau koj txog kev tua tsiaj hauv tej av tswv. Yog koj xav paub ntiv txog txoj cai tswjfwam hav zoov thiab av muaj tswv qhov qhoo kas mus saib tau hauv tshuab fais fab li nram no: www.dnr.state.wi/orgland/forestry/flax/. Cov ntawv sau npe rau kom lawv xa cov npe tswv av tuaj rau nej los kuj nyob tibs hauv tshuab fais fab.

County Land (Av cheeb tsam)

Tej chaw ua si nyob hauv lub cheeb tsam. Koj phau ntawv platbook yuav qhia txog Lub cheeb tsam cov chaw ua si. Cov av ua si no luag txwv tsis pub rau kev yos hav zoov tua tsiaj.

County Forests (Cheeb tsam cov hav zoov) Koj phau ntawv platbook yuav qhia txog Cheeb tsam tej av hav zoov. Cheeb tsam cov av hav zoov tsuas qheb tua tsiaj rau tej thaj av uas tsim nyog cia rau neeg pej xeem tua tsiaj xwb. Hu rau koom haum tswj hav zoov nyob hauv cheeb tsam txog tej thaj av uas qheb tua tsiaj thiab tej kevcai tua tsiaj nyob rau hauv cov thaj av ntawd.

State Land (cov av uas yog lub lav tug)

Lub lav cov chaw ua si Lub lav cov chaw ua si thiab tej kev taug ua si mus los tsuas tso cai rau kev tua mos lwj thiab qaib cov txwv rau tej thaj xwb. Hu rau cov thawj coj hauv koom haum saib xyuas chaw ua si hauv lav txog tej qho qheb tua thiab cov kev cai tua tsiaj ntawd.

State Wildlife Areas (Lub lav tej thaj av uas tsiaj qus nyob/ hav zoov) Lub lav tej hav zoov rau tsiaj qus nyob tsuas tso cai tua tsiaj rau tej qho xwb. Hu rau lawv txog tej thaj uas qheb tua tsiaj thiab cov kevcai tua tsiaj ntawd.

State Fishery Areas (Lub lav tej chaw nuv ntes) Yog yuav nuv ntse ntawm tej chaw yug ntes yuav tsum tau them tus nqi kom tau kev tso cai mas thiaj nuv tau. Tej thaum lawv tso cai nuv ntes, tua tsiaj, cuab tsiaj los yog ua tau ob peb yam rau ib thaj chaw. Muaj paib qhia ntawm chaw nres tsheb txog ciam av uas yuav yos tau.

State Natural Areas (Lub lav tej hav xoov cia ua kev kawm) Lub lav cov hav zoov no cia ua hav zoov xwb, tej hav zoov no xav cia tau ua kev kawm txog hav zoov xoob ntoo nroj tsuag xwb. Muaj tej thaj kuj tso cai tua tsiaj thiab. Hu lub koom haum (DNR) tswjfwam hav zoov txog tej qhov qheb tua tsiaj thiab tej kevcai tua tsiaj ntawd.

State Forests (lub lav cov hav zoov) Kev yos hav zoov yeej tso cai los ntawm lub lav txoj cai yos hav zoov. Cov neeg tua tsiaj yuav tau hu mus nug saib thaum twg qheb thiab

txoj cai ho yog li cas thiab hu rau lub hoob kas saib xyuas hav zoov txog tej thaj uas qheb tua tsiaj.

Note (Lus ceeb toom): Xav paub txog lub lav tej chaw ua si thiab tej kev taug ua si thiab tej thaj hav zoov nrog rau kev tua tsiaj mus tshawb hauv tshuab fais fab li nram no: www.dnr.state.wi.us/org/land/wildlife/reclands/Hunt.htm.

Federal Land (Tsoom fwj tej av)

National Forests (Tsoom fwj tej hav zoov) Kev yos hav zoov yeej tso cai los ntawm txoj cai uas yog tsoomfwj ntiag tug tshwj yog tias muaj paib txos rau lawm mas thiaj yos tsis tau lawm xwb. Kev yos hav zoov txwv tsis pub yos rau tej thaj chaw uas neeg tuaj pw los yog tej thaj chaw uas ua si xws li chaw nqis nkoj, chaw noj mov ua si thiab lwm qhov chaw neeg tuaj ua kev lom zem.